

Gojko Ostojić (1 osoba) - policijske operacije "Storage 1 i 2" i "Transporter"

Optužnica podignuta 1. januara 2025.

Uvod

Tužilac Tužilaštva BiH podigao je optužnicu protiv Gojka Ostojića, prema kojoj se optužuje da je kao član grupe za organizovani kriminal, zajedno sa organizatorima i članovima grupe ranije optuženim u predmetu „Bojan Cvijetić i dr.“, s ciljem ostvarivanja protivpravne imovinske koristi vršio međunarodno krijumčarenje opojne droge „kokain“. Optuženi je, na osnovu međunarodne potjernice raspisane od pravosudnih institucija BiH, izručen iz Republike Češke.

Ime(na) optuženog/optuženih

1. Gojko Ostojić, rođen 1977. godine u Nikšiću, državljanin BiH

Optužnica

Optuženi se, kao član grupe za organizovani kriminal, koristeći posebno podešene mobilne telefone sa instaliranim aplikacijama Sky Ecc i Anom, namijenjene za ostvarivanje zaštićene, kriptovane komunikacije, tereti za međunarodni promet, prodaju i prenos opojne droge „kokain“, nabavljane u zemljama EU, Republici Češkoj, Kraljevini Belgiji, Kraljevini Nizozemskoj, prethodno prokrijumčarene iz Južne Amerike.

U optužnici se navodi da su organizator i optuženi Gojko Ostojić dogovorili kupoprodaju određene količine opojne droge na području Kraljevine Nizozemske s njima poznatim licem, od čega je jedna količina, po ranijem dogovoru, predana njima poznatom licu na području R Češke, dok je drugi dio opojne droge prevezen i dalje prodat u BiH. Prevoz opojne droge je optuženi Ostojić dogovorio s organizatorom i drugim članovima grupe.

Krivična djela za koja su optuženi

Organizovani kriminal (član 250. stav 2. Krivičnog zakona BiH), u vezi sa krivičnim djelom neovlašteni promet opojnim drogama (član 195. stav 1. Krivičnog zakona BiH).

Istraga

Tužilaštvo planira potkrijepiti navode iz optužnice pozivanjem svjedoka, vještaka, te podnošenjem materijalnih dokaza, uključujući dokumente dobijene putem međunarodne pravne pomoći od institucija u Francuskoj, SAD-u i drugim zemljama.

Sudski postupak

Optužnica potvrđena: 7. januara 2025.

Izjašnjavanje o krivici: Dana 18. februara 2025. okrivljeni se izjasnio da nije kriv

„Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“

Početak glavnog pretresa: 18. februara 2025.

Status predmeta: Tužilaštvo završilo sa provođenjem dokaza, izvode se dokazi odbrane